

在文川网... 入驻商家... 获取更多... 书

中國方志叢書·華北地方·第五四一號


據

明嘉靖二十年刊本  
明呂柟纂修

影印

陝西 省

# 高陵縣志



成文出版社有限公司印行



\*10107862\*

中華民國六十五年

月壹一版

# 高陵縣志

全册

發行人：**黃成助**

出版者：**成文出版社有限公司**

台北市郵政信箱二二六〇五號  
台北市羅斯福路三段二四〇巷五號

印刷者：**成文出版社有限公司**

內政部登記證內版台業字第一一四七號

高陵縣志序

高陵古雍豫分州之地為都尉治所為馮翊  
首邑為神臬涇渭所經灑治清濁趙氏濟沮  
七水之所會也舊有志十餘葉弗傳未成書  
也弘治庚戌邑人太守劉公嘗修之又弗傳  
亦未成書也辛酉吾友凌堅呂子庸興於鄉  
始更創志州後又第為太史氏志成又歷三  
十季而後出時則由大司成為少宗伯全其

docsriver 文川网  
入驻商家 古籍书城

在文川网搜索古籍书城 获取更多电子书

志爲帙二爲卷七爲目九十有二首地理者  
志封域也及渠堰者盡力乎溝洫之書也管  
雖田爲上巨稱陸海者此也今誠舉鍾而雲  
決渠而雨則澤民富國不在天而在人不在  
古而在今矣次建置及舊署者志裁革而賦  
如故也蓋嘗有丞簿矣今裁之胥驛遍矣今  
裁之有他鄉里矣今裁之然乃小而任日重  
者不可減站亭而濟他邑者不可復志之憫

人窮也蓋有拯援之心焉次祠廟寺觀而別  
先後者辨邪正也亦不得已之意也蓋謂經  
正民興則邪慝自無今奈之何其次戶租物  
產者著水心所以養君子也歷數述者百五  
庚績之所關也蓋元有授時歷高陵之賢實  
精之故不得而畧也次禮俗抄略者著盛禮  
也典禮行則信斯美矣次職官者有政典在  
焉孔子之所學弗可忘也官師而傳及君庶

者詳也及馮翊之守者以惠化在是幾於三  
衢高耳志人物而及節婦科貢恩蔭者至聖  
子言之詳矣志邱宅陵墓者昭往以示諸來  
也彼又陵豪傑之第邱高王侯之墓并不修  
而名不稱者皆州木同腐爾矣孰得而志之  
故昭往以示諸來者志陵墓而及羗豆者春  
禾謹微之義也是皆善政之蓄而寓乎醇儒  
之道焉非至聖子其孰能辨之皆嘉靖庚子

冬徐令至令公嗣庶威明率卒毋令而行禁  
而止矣乃問志子選聖子刊帶行爲夫有高  
陵以未經二季吳至選聖吳而志成由弘  
治平首以來四十有一季吳至徐令而志行  
君子謂是志持人而後成持心而後行也信  
哉選聖子夫心之所和也徐令名效賢字宗  
義號凡五四川江津人由舉人先任蒲城教  
諭後陞於是焉



馬進士出身中大夫光祿寺卿黜田居士馬理撰

高陵縣志跋

弘治庚戌秋邑庠司訓西蜀夾江翟公宗器先生  
一日過余家曰高陵志歷年旣久不惟失之太簡  
抑且魯魚亥豕以訛傳焉馬遠達之不辨觀者病  
之敢乞詳加修飾以便觀覽庶成一段之美事也  
予固辭弗獲謹按舊志廣詢博訪質諸故老攷諸  
史傳訂訛去僞拾遺補闕越三月蒐輯成編其所  
編事宜見諸凡例茲不復贅爰命小兒時蘭庠生  
蕭昂繕寫裝潢成帙以俟後之立言君子載加採

擇焉是禩冬十月

賜進士第中憲大夫前直隸永平知府邑人劉傑

跋

刻高陵縣志序

此涇野呂公所爲高陵志也君子于是志之行也  
載尊之猶古訓然何也古彛教之陳先實後文蓋  
由腹心之腴而嚙諸膚理其猷爲風化不可尙已  
涇野公之爲是志也以之其諸異乎人之志與凡  
我同方之士若徒玩心于其章美之炳蔚而忘有  
事于敦本務實意或罔誠心或罔正頑弗誠廉懦  
弗誠立焉殊無得于涇野公之志終亦古之棄也  
有志于服古教化者敬之哉

嘉靖辛丑歲除日後學徐效賢頓首拜書

高陵縣志序

高陵志作者少崇伯邑人涇野呂公刻之者邑令  
西蜀徐效賢也刻成謂于故高陵人先學在焉宜  
爲序志凡七卷凡十有四則其言約而盡其事核  
兩彰其議論允而確太史氏筆也其作志之良槩  
乎夫鄉無名賢則文獻不興邑乏善令則政教不  
立高陵西安之望邑也其產于斯者有若干元公  
之恭儉仁愛有若楊轉運之浮雲幾利有若楊文  
康之特立獨行有若朱先生之仁孝禮義迄于今

則有若涇野公賢聖自期聞道有得予嘗推之以  
爲今之伊川云其令于斯者修舉政教役志養民  
亦惟有若劉仁師亦惟有若神師道亦惟有若張  
翱亦惟有若張琦亦惟有若朱璜乃迄今有徐子  
焉公廉愷悌擬古循良其殆庶幾矣乎夫鄉人者  
鄉人之師也鄉有賢而罔師焉無志之士也前人  
者後人之鑒也前有善令而背焉以逞賊民之吏  
也然則高陵後進之英與夫嗣徐子而令者可不  
知所從事哉可不知所從事哉

嘉靖辛丑冬十有一月丁未鄠杜王九思序





docsriver 文川网  
入驻商家 古籍书城

在文川网搜索古籍书城 获取更多电子书

高陵縣志序

夫志者志其實非以飾輪輿而爲虛事也故志於一邑一時而貽於天下後世苟事或隔礙則疑信相傳人將指摘併其名賢實跡而具誣焉何以志爲高陵舊無志但有抄本率多缺遺漫無統紀不足以信今而傳後識者惜之太史呂涇野公撰志成編矣我徐侯將壽諸梓命予序於末簡三讀其志首地理附以渠堰欲其知王政以民食爲先也次建置欲其知因革以思古慮今也祠廟寺觀崇

正道以闢邪說也戶租兵匠物產驗登耗以制徵  
賦也歷數觀天時以作人事也禮儀風俗以正禮  
教也職官官師以定法程也人物節婦以端風化  
也科貢恩蔭以考忠愛也終以邱宅陵墓者欲其  
知生有實行則歿有令名進次第類末雅有深意  
作而嘆曰美哉此志咸正罔缺足爲世則誠非飾  
翰輟爲虛車也昔明道在鄴晦翁在南康皆首重  
其志今太史公於斯志編採垂三十餘年其意亦  
甚厚乎徐侯清慎公敏而先務此可以占政矣後

之產於斯宦於斯者讀志而後其善焉固志之意也

嘉靖辛丑季冬靜齋劉守臣書



# 高陵縣志序

縣久無志舊志雖美亦多疎略弘治辛酉予忝鄉  
舉卽事斯志往來京師篋載以行入翰林後秦晉  
之越歷河海之奔馳稿未或忘垂三十餘年斯編  
麤就今春學博楊子時亨以諸友之請使數士來  
謄此稿予以未真不敢從命乃懇以請發篋與之  
謄將終編徐侯宗義時以蒲城儒學教諭陞知高  
陵蒞任未久卽念斯志請加諸梓予茲固辭門人  
楊九式等曰我

國家百七八十年縣志不著豈非缺典况遇明侯欲  
行仁政多用教化適今不梓後復如先矣子始諾  
之式等取而詳加校書并增一二以答徐侯而劉  
岸又手圖三次志益章章或曰志先地理附以渠  
堰何也曰昔在周漢之間井田旣行溝洫未廢民  
食其利故不頌豐年則稱陸海阡陌旣開鄭渠名  
秦白渠名漢而澧潞瀾滻諸水南灌群塍東漕支  
渠亦因是以名也厥後官雖設而他委渠旣久而  
或湮地征如初民力衰薄故地理渠堰志復初也




建置之志錄諸公署耳縣今裁減丞簿不設而屬  
驛館院之錄不亦多乎曰清平鄉析于三原孝義  
安信張橋諸里析于臨潼縣如此其褊小也而稅  
課猶舊馬驢牛車之站猶給他地民日滋貧縣日  
滋罷其誰省憂故志建置以憫今也祠廟而後寺  
觀者何抑異端也戶租兵匠物產通爲一志者何  
以兵匠之力物產之財皆出于戶租耳洪範四五  
紀五曰歷數蓋有國者之所事也高陵小邑耳而  
述歷數不亦迂乎曰楊元甫元之大儒也被徵史

局作授時歷雖成于辛巳之年實可千百世行之無弊也以其縣人也故述之耳禮儀見行有儀注諸書可勿抄略矣曰儀注雖本于集禮而未備也又近年

聖皇御制孔子祀典記說未入會典窮鄉下邑之士安得聞之以裨從禮官之後嘗習聞於公所故因而志之不敢隱也其附以縣俗者且本禮儀以示必需耳職官之考亦以存舊章也官師之傳秦公子帝或爲君漢趙問翟方進或爲侯韓延壽或爲

左馮翊采入官師豈不濫乎曰事有闕于其縣者  
斯志之且去古則遠去今則遠雖詳乎古猶恐其  
或畧也人物之志者凡以示後學耳生乎其前者  
非一二學然多不傳者生如株木歿如秋草惡乎  
傳傳之者言其真可承式者也故長厚不如漢周  
文張叔端直不如唐于仲謚博學守道不如元楊  
元甫孝廉不如今宋先生皆非夫也節婦亦人物  
乎曰男子不如婦人者多矣昔有賢后人且以女  
中堯舜目之矣科貢恩蔭正人物也而又後之何


也曰自科貢恩蔭而能學道卽人物耳不學乎道  
是科貢恩蔭而已矣則何以邱宅陵墓終志也王  
侯生曰官邱歿曰陵大夫士庶人生曰宅歿曰墓  
故生有邱宅則歿有陵墓歿無陵墓猶生無邱宅  
也語曰君子疾歿世而名不稱焉凡以慎其實于  
生前也原陵偶陵亦名稱乎曰道雖不足位則有  
餘故事有以位存者此之謂也又以見執政者之  
防微也微能防則免夷狄猾夏而無原陵偶陵矣  
嘉靖辛丑夏五月壬辰涇野呂栢謹序



縣境圖 東北至蒲城一百二十里


東至渭南九十里

北至富平十五里



docsriver 文川网  
入驻商家 古籍书城


在文川网搜索古籍书城 获取更多电子书





縣城迤北境圖

東北三原界



三杜村

仁宗廟

白馬寺

仁壽屯

晉文公廟

王化村

上石里

三水寨

丘店

孝義里

贈侍郎呂公墓

西園

邑屬坊

郭橋

三皇廟

鄉屬壇址

后土宮

北門

北門街